



REPUBLIKA E KOSOVËS
REPUBLIKA KOSOVA/ REPUBLIC OF KOSOVO
KOMUNA E GJAKOVËS
OPŠTINA DJAKOVICA/MUNICIPALITY OF GJAKOVA



Republika e Kosovës - Republika Kosovo
Komuna e Gjakovës - Opština Djakovica
Drejtoria për Punë të Përgjithshme Administrative
Uprava za Opšte Administrativne Poslove

05 Nr./Br. 413/01-13960
Data/Datum 31.05.2022
Gjakovë-Djakovica-Gjakova

THIRRJE PUBLIKE

Për Mbështetje Financiare Publike të Organizatave Jo-Qeveritare në Zbatimin e Aktiviteteve që janë në Drejtorinë për Shëndetësi dhe Mirëqenie Sociale

1. Drejtoria e Shëndetësisë dhe Mirëqenies Sociale (DSHMS) e Komunës së Gjakovës u bënë thirrje të gjitha organizatave jo-qeveritare të regjistruara në Republikën e Kosovës, programi i të cilave është i fokusuar në fushën e Drejtorisë së Shëndetësisë dhe Mirëqenies Sociale, të aplikojnë për mbështetje financiare për projektet që kontribuojnë në zbatimin e programit të DSHMS-së së Komunës së Gjakovës i cili i dedikohet sektorëve të personave me nevoja të veçanta.

2. OJQ-të në përputhje me këtë thirrje publike mund të aplikojnë me projekt programet e tyre për fushat me prioritete si në vijim:

Të gjitha OJQ-të, Shoqatat e Komunës së Gjakovës, programi i të cilave është i fokusuar në mbështetjen e personave paraplegjik dhe tetraplegjik.

3. Organizatat jo-qeveritare mund të aplikojnë me projekte që kontribuojnë në zbatimin, promovimin dhe përmirësimin e fokus grupeve në kuadër të Drejtorisë së Shëndetësisë dhe Mirëqenies Sociale përmes aktiviteteve si me poshtë:

- ✓ Aktivitetet që kanë për qëllim nxitjen e autoriteteve lokale, institucionet publike dhe akterëve tjerë për bashkëpunim me shoqërinë civile, në promovimin dhe mbrojtjen e të drejtave të personave me nevoja të veçanta ,implementimin e programeve të tyre në kuadër të DSHMS-së;
- ✓ Ngritja e kapaciteteve për persona me nevoja të veçanta;
- ✓ Ofrimi i shërbimeve nga fizioterapia primare;
- ✓ Ofrimi i shërbimeve nga ergoterapia;
- ✓ Ofrimi i shërbimeve logopedike;
- ✓ Edukimi shëndetësor për persona me nevoja të veçanta dhe familjarëve të tyre;
- ✓ Furnizimi i rasteve me mjete –pajisje ortopedike.

4. Vlera totale e planifikuar e thirrjes dhe mbështetjes është : 20,000.00 Euro.

5. Afati për dorëzimin e propozimeve është 15 ditë kalendarike, duke filluar me datën 31.05.2022 dhe përfundon me 14.06.2022.

6. OJQ-të mund të aplikojnë me më së shumti dy (2) projekte në kuadër të kësaj thirrje, por vetëm një (1) projekt për secilën nga fushat prioritare sipas thirrjes.



E njëjta OJQ mund të jete partnere në disa projekte në fushat prioritare të thirrjes.

Të drejtë aplikimi me projektet e tyre kanë OJQ-të e regjistruara në regjistrin e organizatave jo-Qeveritare në Republikën e Kosovës dhe të cilat veprojnë në Republikën e Kosovës, së paku një vit para datës së publikimit të thirrjes publike.

OJQ-të duhet të dëshmojnë se programi i tyre i punës, është i fokusuar në fushën e Shëndetësisë dhe Mirëqenies Sociale.

Të drejtë aplikimi me projektet e tyre kanë OJQ-të që janë të regjistruara dhe të licencuara sipas Udhëzimit Administrativ nr 02/2020 nga MFPT/DPSF-ja.

OJQ-të duhet po ashtu të kenë të kryera transaksionet financiare në mënyrë transparente, sipas legjislacionit për OJQ-të në Republikën e Kosovës dhe në përputhje me rregullat e kontabilitetit si dhe të kenë të përmbushura detyrimet kontraktuale ndaj ofertuesit të mbështetjes financiare dhe të gjithë ofertuesve tjerë të mbështetjes financiare publike.

Para nënshkrimit të kontratës, OJQ-të duhet të paraqesin prova se personi përgjegjës i OJQ-së dhe menaxheri i projektit nuk janë nën hetime për vepra penale, si dhe prova se OJQ-ja ka zgjidhur çdo qeshtje të hapur rreth pagesës së kontributeve dhe tatimeve të papaguara, nëse është e aplikueshme.

7. Propozimet do të dorëzohen vetëm në formularët e paraparë, të cilat së bashku me Udhëzimet për Aplikantë janë në dispozicion në faqen e internetit(<https://kk.rks-gov.net/gjakova/>), si dhe mund ti merrni personalisht në zyrën e DShMS-së.

Dokumentet e kompletuara duhet të dërgohen me postë ose personalisht në adresën e mëposhtme:

Adresa: Rr. Bardhyl Qaushi, 50000 Gjakovë, Republika e Kosovës/Zyrën e DShMS-së në Komunën e Gjakovës.

Thirrje publike për ofrimin e mbështetjes financiare publike për financimin e projekteve e programeve të OJQ-ve që kontribuojnë në zhvillimin dhe avancimin e Drejtorisë së Shëndetësisë dhe Mirëqenies Sociale në Kosovë.

Procesi i pranimit, hapjes dhe shqyrtimit të aplikacioneve, vlerësimit të aplikacioneve, kontraktimi, dhënia e fondeve, koha dhe mënyra e parashtrimit të ankesave, trajtimi i dokumenteve dhe kalendari tregues i zbatimit të thirrjes janë të detajuara në Udhëzimet për aplikuesit e thirrjes publike.

Do të konsiderohen për mbështetje financiare vetëm projektet që janë pranuar brenda afatit të paraparë me këtë thirrje publike, dhe të cilat përmbushin plotësisht kushtet e përcaktuara të thirrjes publike.

8. Të gjitha çështjet që lidhen me thirrjen publike mund të sqarohen në zyrat e DShMS-së.

Adelina Shehu-Kola

Drejtoreshë e DShMS

